



74
6644
6



74
6644
6



大清通禮卷之十三

吉禮

太歲

祀

太歲之禮。初春為迎。歲暮為祖。正殿奉

太歲神位。南向。

神位。依年。建干支。黃紙墨書某年。太歲之神。覆於位上。預設龕內。

兩廡。

十二月神位。司春秋者東位。西向。司夏冬者西位。東向。

歲以孟春上旬。諏吉。及歲除前一日。遣官將事。豫期。

承祭官。分獻官。暨執事官。各於邸第致齋。太常寺卿。

<99-1263>

具祝版。省牲牢。率屬潔除殿廡內外。展

神幄。恭請殿廡

神位。奉安於神座。如式。

右誦吉致齋供具

至日五鼓。太常寺官具器陳。正殿牛一。羊一。豕一。登
一。鉶一。簠簋各二。籩豆各十。瓊三十。鑪一。鐙二。設案
一。於殿中。少西北向。供祝版。設案一。於東西向。陳帛
一。香盤一。尊一。爵三。陳福胙於尊爵之旁。加爵一。
兩廡東西各二案。陳設均與正殿同。又設尊案各一。

於廡南。陳帛六。色白。香盤二。尊二。爵六。凡牲陳於俎。帛
實於篚。尊實酒。承以舟。疏布幕。勺具。樂部率太常協
律郎。設中和韶樂於殿內東西。陳樂舞於樂懸之次。
太常寺設洗於東階下。少南。承祭官位。中階下。分獻
官位。承祭官後。甬道左右。均北面。司祝。司香。司帛。司
爵各一人。分立祝案。尊案之次。司樂。協律郎。樂工。歌
工。舞佾。序立東西。樂懸之次。典儀一人。立殿外東階。
掌燎。率燎人。立燎鑑南。均如常儀。

右陳設辨位

昧爽承祭官分獻官朝服詣壇贊禮郎豫引分獻官
至拜殿北階下左右祇俟贊引太常寺贊禮郎二人
引承祭官由拜殿南左門入出北右門降階詣盥洗
位贊禮郎贊盥洗承祭官盥手畢引至拜位前北面
立分獻官均就拜位序立典儀贊樂舞生登歌執事
官各共迺職武舞執干戚進贊禮郎贊就位承祭官
就位立典儀贊迎

神司樂贊舉迎

神樂奏保平之章辭曰協茲五紀歲月日辰天惟顯思

神職攸分於赫太歲統馭百神承天之德陰隲下民
協律郎舉麾工鼓祝樂作贊禮郎贊詣

神位前引承祭官升東階入殿左門詣香案前立贊上

香司香跪奉香承祭官舉炷香次三上瓣香畢贊復

位引承祭官復位贊跪叩興承祭官行三跪九叩禮

分獻官均隨行禮興協律郎偃麾工戛鼓樂止凡樂

麾鼓祝作以偃典儀贊奠帛爵行初獻禮有司揭尊

罍勺挹酒實爵司樂贊舉初獻樂奏定平之章辭曰

禮崇明祀涓選休成潔齋滌志量幣告誠祈福維何

福我蒼生。陳饋奉酌。瞻仰雲旌。樂作。司樂舉節。舞干

戚之舞。

凡舞以節領之。導引進退後同。

司帛司爵進至

神位前。司帛奉篚。跪奠於案。三叩興。司爵奉爵。立獻於正中。皆退。司祝至祝案前。跪三叩興。奉祝版跪案左。樂暫止。典儀贊讀祝。贊禮郎贊跪。承祭官暨分獻官皆跪。司祝讀祝。辭曰。維某年月日

皇帝遣某官某致祭於某年

太歲之神曰。

茲當孟春歲既暮矣。

謹以牲帛酒果庶品之儀致祭

尚

饗讀畢。興。以祝版跪安篚內。叩如初。興退。樂作。贊禮郎

贊叩興。承祭官暨分獻官均行三叩禮。興。兩廡贊禮

郎引分獻官各詣

神位前。上香。執事生奠帛。獻爵畢。引分獻官復位。如儀

樂止。武功之舞退。文武執羽籥進。典儀贊行亞獻禮。

司樂贊舉亞獻樂。奏嘏平之章。辭曰。百末蘭生。有飶

其香。升歌清越。磬管鏘鏘。牲牲肥膾。嘉薦令芳。神其

歆止。在上洋洋。樂作。舞羽籥之舞。司爵奉爵獻於左。

如初獻儀。樂止。典儀贊行終獻禮。司樂贊舉終獻樂。

奏富平之章。辭曰：執事有嚴，再拜稽首。三爵既升，以妥以侑。願若有孚，肅茲籩豆。神其歆止，人民曼壽。樂作。舞同司爵奉爵獻於右，如亞獻儀。兩廡以次畢獻。亞獻樂止。文德之舞退。典儀贊。

賜福胙。執事生二人奉福胙進至

神位前拱舉。由中道出降階。詣拜位右立。接福胙執事生二人。由西廡降階。進至拜位左立。贊禮郎贊跪。承祭官跪。左右執事生皆跪。贊飲福酒。右生進福酒。承祭官受爵拱舉授於左。次受胙。如飲福之儀。畢。贊禮

郎贊叩興。承祭官三叩興。又贊跪叩興。承祭官暨分獻官均行三跪九叩禮。典儀贊徹饌。司樂贊舉徹饌樂。奏盈平之章。辭曰：王省惟歲，有報有祈。六氣無易，平衡正璣。嘉生蕃祉，澤及蜎飛。百禮以洽，承神吉輝。樂作徹畢。樂止。典儀贊送。

神。司樂贊舉送。

神樂奏豐平之章。辭曰：神兮旋馭，肅瞻景光。靈飈上下，無體無方。嘉承惠和，億兆溥將。歲歲大有，神其迪嘗。樂作贊禮郎贊跪叩興。承祭官暨分獻官均行三跪。

九叩禮興。樂止。典儀贊奉祝帛。饌送燎。司祝司帛詣神位前。咸跪。三叩。司祝奉祝。司帛奉篚。興。司香跪奉香。司爵跪奉饌。興。以次恭送燎所。兩廡香帛饌。均送焚燎。歲暮並奉紙書千支送燎。贊禮郎引分獻官退。承祭官避立拜位之西。俟祝帛過。復位立。典儀贊望燎。贊禮郎引承祭官詣燎位視燎。贊禮郎告禮畢。太常寺官恭請太歲神位。並兩廡神位。復於龕內。如儀。各退。

右行禮

歲。孟夏常雩後。間不雨。遣官禱於

太歲壇。與

天神。

地祇。同日舉行。文武官應陪祀者。咸與祈禱。以參之前期。一分祈。

各於邸第致齋一日。太常寺具祝文。翰林院隨時撰擬。潔器

陳。備脯醢。果實。埽除殿內外。至日。設樂懸樂舞於殿

上。承祭官位階下。執事官。司樂。協律郎。樂工。歌工。舞

佾序立。如常祀儀。陪祀官位庭中左右。東西各五班。

重行異等。糾儀。御史二人。禮部祠祭司官二人分立。

大清通禮 卷十三 六
祀官左右均素服將事

迎神樂奏需豐之章。辭曰。持元化兮富媪神。秉歲籥兮六氣均。馳雲車兮風旂。殷闐闐兮天門。情徬徨兮孔殷。神之來兮康我民。

初獻樂奏宜豐之章。辭曰。薦嘉幣兮芳醴清。練予素兮升飶馨。紛肸鬻兮格歆。甘膏沃兮神所令。

亞獻樂奏晉豐之章。辭曰。啟山壘兮攝椒漿。侑神宮兮靈洋洋。族雲興兮使我心若。惠嘉生兮降康。

終獻樂奏協豐之章。辭曰。清竚兮三斟。揚翟籥兮載愉。靈回翔兮六幕。澤霽霽兮遍八區。

徹饌樂奏應豐之章。辭曰。禮儀備兮孔時。音繁會兮徹不遲。昭靈貺兮迓蕃祉。田多稼兮汜濩之。

送神樂奏洽豐之章。辭曰。顧億兆兮誠求。渥甘澍兮神之休。慶時若兮百昌遂。惠我無疆兮歲有秋。凡儀節。皆典儀唱贊。舉樂。皆司樂唱贊。初獻舞千戚之舞。亞獻終獻舞羽籥之舞。兩廡不分獻。不飲福受胙。餘儀與常祀同。

右祈告

既得雨與

天神。

地祇。同日報祀。遣原祈雨官將事。及陪祀官咸致齋。前期具祝版。眠割牲。至日。陳設牲牢。登鉶簠簋籩豆。與常祀同。承祭官陪祀官均朝服行禮。其餘儀節。樂章。均如祈告儀。雨潦祈晴。冬旱祈雪。報亦如之。

右報祀

祀

真武神之禮。每歲

萬壽聖節。遣官一人詣

顯佑宮將事。是日。廟祝潔埽廟宇內外。太常寺官具器陳設。果盤五。餅餌盤十有五。鑪一。鐙二。設案一於南。少西北向。供祝版。設案一於東。西向。陳禮神制帛一。色。香盤一。茶瓊三。設洗於東階下。少南。和聲署官設樂於西階上。鼓一。笙一。管二。雲璈一。篴二。板一。承祭官拜位。在殿內正中。司祝。司香。司帛。司瓊。各一人。分立祝案。尊案之次。典儀立於殿東檐下。掌燎立燎鑪之南。黎明。承祭官朝服詣廟。贊引太常寺贊禮郎二

人引承祭官由左側門入。贊盥洗。承祭官盥手。畢。升東階。入殿左門。至拜位前。北面立。典儀贊執事官各共廼職。贊禮郎贊就位。承祭官就位立。典儀贊迎神。和聲署樂作。辭曰。居所躋星軫。象緯環拱辰。貞元運轉。藏用顯仁。宥密基命。毓和葆順。潔粢醴。以昭信日。襄哉。贊大鈞。贊禮郎贊詣上香位。引承祭官詣香案前立。贊上香。司香跪進香。承祭官舉炷香。三上辦香。畢。贊復位。引承祭官復位。贊跪。叩興。承祭官行三跪九叩禮。興。典儀贊行初獻禮。司帛。司瓊各進至。

神位前。司帛奉篚。跪奠於案。三叩興。司瓊奉茶瓊立。獻於案正中。皆退。司祝至祝案前。跪。三叩興。奉祝版。跪案左。樂暫止。贊禮郎贊跪。承祭官跪。贊讀祝。司祝讀祝。辭曰。維某年月日。

皇帝遣某官某致祭於

真武之神曰。茲朕誕辰。惟

神。永遠默佑。謹以茶果庶品之儀。致祭。尚

饗。讀畢。興。以祝版跪安篚內。叩如初。興退。樂作。贊禮郎贊叩興。承祭官行三叩禮。興。典儀贊行亞獻禮。司瓊

奉茶瓊獻於左如初獻儀退贊行終獻禮奉茶瓊獻於右如亞獻儀退典儀贊送

神贊禮郎贊跪叩興承祭官行三跪九叩禮興典儀贊奉祝帛送燎司祝司帛詣

神位前咸跪三叩司祝奉祝司帛奉篚興司香跪奉香興以次恭送燎所承祭官避立拜位西旁俟祝帛過復位立典儀贊望燎贊禮郎引承祭官詣燎位視燎贊禮畢樂止引承祭官退執事官皆退

右祀真武廟

祀

司火神之禮歲六月下旬三日遣官一人將事祀日廟

祝潔埽廟宇內外太常寺具祝版備器陳牛一羊一

豕一果實五盤鑪鑿具殿中少西設案北向供祝版

東設一案陳禮神制帛一色尊一爵三香盤一和聲

署設樂於西階下器數見祀真武禮太常寺設洗於東階

下少南設承祭官拜位於殿內正中司祝司香司帛

司爵各立祝案尊案之次典儀立殿東檐下掌燎率

燎人立燎鑪旁承祭官朝服行三跪九叩禮升降均

由東階出入殿左門迎神。上香奠帛。讀祝。三獻爵。送神。望燎儀均與祀。

真武同。

祝辭曰。維某年月日。

皇帝遣某官某。致祭於

司火之神曰。惟

神。令司赤帝。德炳離明。屆此良辰。爰修專祀。鑒茲特典。

綏我蒸民。尚

饗。

樂辭曰。離正南方位。燭照光九圍。粒民火食。功用不違。瓘牟明柔。我民所慰。履祥霽戢。鷄尾息融。風降福禧。

右祀火神廟

祀

礮神之禮。間二歲。季秋朔日。於蘆溝橋北。席地為壇。遣八旗漢軍都統。或副都統將事。副都統以下。至佐領。咸陪祀。豫日。地方官備案。太常寺具器陳。祀日。漢軍弁兵。陳八旗礮。位於壇內。接翼左右序列。皆西向。前

設八案各設

神位。以紙為之。又前設牲案。各陳羊一。豕一。果實五盤。棧二。

十。又前設香案。各陳鑪一。鐙二。壇中少北。設一案。供

祝文。左右分設二案。各陳香盤四。爵十有二。尊四。冪

勺具。設洗於壇外之南。太常寺司祝。司香。司爵各立

祝案。尊案之次。承祭官位各香案前。東面。陪祀副都

統以下。以其班序。重行異等。均東面。典儀一人。立於

壇左。掌燎率燎人立燎鑪隅。黎明承祭官暨陪祀官

咸補服。詣壇。贊引太常寺贊禮郎各二人。分引承祭

官至盥洗所盥手畢。詣各拜位前立。典儀贊執事官

各共廼職。贊禮郎贊就位。承祭官各就位立。典儀贊

迎。

神贊禮郎贊詣上香位。引各旗承祭官分詣各旗礙位

前。贊上香。司香跪奉香。承祭官舉炷香。三上瓣香。畢

贊復位。各引復位立。贊跪叩。與承祭官行三跪九叩

禮。陪祀官均隨行禮。典儀贊行初獻禮。有司揭尊罍

勺挹酒。實爵。各進至

神位前。奉爵立獻於案正中。退。司祝詣祝案前。跪。三叩。

與奉祝文跪案左。贊禮郎贊跪。承祭官暨陪祀官咸跪。典儀贊讀祝。司祝讀祝。辭曰。維某年月日。

皇帝遣某官某等致祭於

司礮之神曰。惟

神欽

天命而無私。助陽威武。有功國家。茲當秋祭之日。特以牲醴遣官致祭。

神其鑒之。尚贊禮郎贊。承祭官暨陪祀官均行三叩禮。興。典儀贊讀畢。與奉祝文跪安於鑲黃旗礮位前。叩如初。興退。

贊禮郎贊叩興。承祭官暨陪祀官均行三叩禮。興。典儀贊行亞獻禮。司爵各奉爵獻於左。如初獻儀。退。贊行終獻禮。司爵各奉爵獻於右。如亞獻儀。退。典儀贊送。

神贊禮郎贊跪。叩興。承祭官陪祀官均行三跪九叩禮。興。典儀贊奉祝文送燎。有司各奉

神位在前。次祝。次香。由中道恭送燎所。承祭都統各避立拜位左右。俟過。復位立。贊禮郎贊詣望燎位。引承祭官各詣燎位視燎。贊禮畢。引承祭官退。執事各官

大清通禮
卷十三
皆退。

右祀礮神

大清通禮卷之十四

吉禮

祭

都城隍神之禮。每歲

萬壽聖節。遣官一人將事。是日。廟祝潔掃廟宇內外。太常

寺具祝版。備器陳牛一。羊一。豕一。果實五盤。鑪一。登

二。設案一於殿中。少西北向。供祝版。設案一於殿東。

西向。陳禮神制帛一。色白。香盤一尊。一爵。三設洗於東

階下。和聲署設樂於西階上。器數見祀真武禮。承祭官拜

位在階上正中。太常寺司祝司香司帛司爵分立祝案。尊案之次。典儀立殿外東檐下。掌燎率燎人立燎鑪之前。均如常儀。黎明承祭官朝服詣廟。贊引太常寺贊禮郎二人引承祭官由左側門入。贊盥洗承祭官盥手畢。升東階至拜位前北面立。典儀贊執事官各共迺職。贊禮郎贊就位。承祭官就位立。典儀贊迎神樂作。辭曰。佳麗皇都。勝保障。神力宏萬方。輻輳。龍夜不驚。正直聰明。輝彰如影。荷靈貺。篤其慶。固金甌。護玉京。贊禮郎贊就上香位。引承祭官入殿中門。至香

鑪前立。贊上香。司香跪奉香。承祭官上炷香。三上辦香畢。贊復位。承祭官復位。立贊跪叩。與承祭官行三跪九叩禮。典儀贊奠帛。爵行初獻禮。司帛跪獻篚於案。三叩。與司爵立獻爵於正中。皆退。司祝詣祝案前。三叩。與奉祝版跪案左。樂暫止。典儀贊讀祝。贊禮郎贊跪。承祭官跪。司祝讀祝。辭曰。維某年月日。

皇帝遣某官某致祭於

都城隍之神曰。茲朕誕辰。惟

神永垂護佑。謹以牲醴致祭。尙

饗讀畢興奉祝版跪安於篚內叩如初興退樂作贊禮
即贊叩興承祭官行三叩禮興典儀贊行亞獻禮司
爵奉爵獻於左如亞獻儀退典儀贊行終獻禮司爵
奉爵獻於右如亞獻儀退典儀贊送

神贊禮即贊跪叩興承祭官行三跪九叩禮興典儀贊
奉祝帛送燎司祝司帛詣

神位前咸跪三叩奉祝帛興司香跪奉香興以次送至
燎所承祭官避立拜位西俟祝帛過復位立典儀贊
望燎贊禮郎引承祭官詣望燎位視燎贊禮畢引承

祭官仍由東側門出樂止各退

歲秋諏吉遣官致祭

神位前陳銅二簋二簋二籩十豆十餘牲帛尊爵鑪鐙
同前送神時典儀贊徹饌有司乃徹餘均如前儀

祝辭曰維某年月日

皇帝遣某官某致祭於

都城隍之神曰惟

神正直實贊靈化捍禦之功都邑所賴祇嚴歲祀用答
神庥尚其歆茲永福黎庶尚

饗。

右祭都城隍廟

祭

東嶽神之禮。每歲

萬壽聖節。遣官一人將事。是日廟祝潔掃廟宇內外。太常寺官具祝版。備器陳牛一。羊一。豕一。果實五盤。鑪一。鐙二。殿中少西設案。供祝版。東設一案。陳禮神制帛一。色青香盤一。尊一。爵三。和聲署設樂於西階上。太常寺設洗於東階下。少南承祭官拜位在階上正中。司

祝。司香。司帛。司爵。典儀。掌燎。各以其職為位。承祭官

朝服行禮迎神。上香。初獻。讀祝。亞獻。三獻。送神。望燎。

儀均與祭

都城隍廟同。

祝辭曰。維某年月日

皇帝遣某官某致祭於

東嶽泰山之神曰。茲朕誕辰。惟

神永遠默佑。謹以牲醴庶品之儀致祭。尚

饗。

樂辭曰。維嶽崧高。五泰岱常祀。殊累朝玉檢。柴望始
虞。木德條風。吹萬畢煦。宅東寓以生物。仰天齊鑿有
孚。

右祭東嶽

祭

黑龍潭神之禮。歲春秋諏吉。遣官一人將事。是日太常
寺具祝版。備器陳羊一豕一。簠簋各二。籩豆各十。鑪
鐙具。殿中少南設案供祝版。北設一案陳禮神制帛
一。色香盤一。尊一。爵三。和聲署設樂於南階上。太常

寺設洗於東階下之北。承祭官拜位在階上正中。司
祝司香司帛司爵典儀掌燎各以其職為位。承祭官
朝服行禮。迎神。上香。初獻。讀祝。亞獻。三獻。徹饌。送神。
望燎。儀均與秋祭。

都城隍廟同。

祝辭曰。維某年月日。

皇帝遣某官某致祭於

昭靈沛澤龍王之神曰。惟
神德潤生民。膏流甸服。雨暘時若。夙彰孚應之靈。年穀

成川暢清流於畿甸。滋勻勻之繡壤。允資灌注之功。通翼翼之漕艘。長助輓輸之利。華昭靈貺。宜奉明禋。茲值仲春。用申報饗。尚其歆格。鑒此精誠。尚

饗

右祭玉泉山龍神

祭

后土神。

司工神之禮。凡大興作。諏吉遣官各一人將事。豫日。工部官於營建所在。因其方設左右二壇。以織葦為殿。

圖績結綵。祭日五鼓。太常寺官具祝版。

祝文翰林院隨事撰擬

設

神案各一。於壇內正中。以黃紙書

后土之神。

司工之神皆為位。供案上各陳羊一。豕一。餅餌十有五盤。果實五盤。鑪。鐙。具。設祝案於中。少右。供祝版。左設一案。陳帛一。色白。香盤一。尊一。爵三。和聲署設樂。太常寺設洗如式。司祝。司帛。司香。司爵。典儀掌燎。各以其職為位。承祭官拜位。在壇內香案前正中。贊禮郎引

承祭官朝服行禮迎神。上香初獻。讀祝。亞獻。三獻。送神。望燎。均與祭。

都城隍廟同。

樂辭曰。仰眺銀河上。閣道如駕梁。儼神宅。只愉矣。穆將揆日。鳴橐繫神斯。掌奠椒酒。以禋享。荷神庥。澤未失。

右祭后土司工部官設壇於琉璃
迎吻祭

密神

門神之禮。各遣官一人將事。豫日。工部官設壇於琉璃

密及迎吻所。經之門。以織葦為殿。圖績結綵。祭日五

鼓和署。署設樂於各壇前。設導迎樂於密門外。太常

寺官具祝版。

祝文翰林院
隨事撰擬

設

神位。陳羊豕。餅餌。果實。香帛。尊爵。鑪。設洗。與祭

司工儀同。承祭官暨禮部太常寺有職事。工部內務府

管工各官。咸朝服。簪花披紅。乃陳吻於密前。和聲署

樂作。辭曰。和氣嘉祥。應聖日華耀明。仰方泰紫。俯奠

泰寧。繚廓絃瀛。此惟表正。食神德。蒙神慶。享明禋。億

萬齡。琉璃窰及太常寺贊禮郎引琉璃窰承祭官詣

窰神位前行禮。引各門承祭官詣

門神位前行禮。均與祭

司工儀同。祭畢。導迎樂作。辭曰。皇作宮殿。因地順天。如

竹苞矣。美哉輪奐。鳥翼飛松栴。芋且寧。居萬年。變

儀衛。校昇吻。禮部太常寺官前導。承祭官從。所經諸

門。承祭官迎於門前。及工所管工官列班。恭迎以入。

俟安吻事竣。各退。

右迎吻祭窰神門神

歲。春秋諏吉祭

司倉神之禮。通州祭於大西倉。倉場侍郎主祭。各監督

陪祀。京倉左翼於海運。右翼於興平朝陽門外。於儲

濟。各以本倉監督主之。各監督分行陪祀。祀用羊一

豕。一果實十盤。壺爵。鑪。鑪。具。主祭官朝服。質明將事。

率陪祀官。行二跪六叩禮。上香。三獻爵。燎楮帛。如儀。

退。農氏右

黃帝軒。右祭倉神

勾芒

萬餘珠璣及太常寺贊禮郎疏明儀...

祭神亦祭食亦引各門承祭官前

門後位前行禮均與祭

司率割肺官亦二銀六甲斷土香三燭增獻爵帛收謝

俎特果實十盤壺爵盞具生祭官賙照實即儀事

齊各以本食盥盥生之各盥齊衣行割肺肺民羊一

割肺京食空饗飲飲齊奠飲與平臠割門殺飲割

后食肺之獻無儀祭飲大西食食其割順生祭各盥齊

歲春祭禮吉祭神門神

大清通禮卷之十五

吉禮日太常寺行其祭禮加禮外太常寺贊禮郎疏明儀事

致祭

先醫之禮。

景惠殿內中奉

太昊伏羲氏左

炎帝神農氏右

黃帝軒轅氏均南向

勾芒

風后東位西向。

祝融。

力牧西位東向。東廡。僦貸季。岐伯。伯高。少師。雷公。伊尹。淳于意。王叔和。皇甫謐。葛洪。韋慈。藏錢乙。劉完素。李杲。皆西向。西廡。鬼臾區。俞跗。少俞。桐君。馬師。皇扁。鵠。張機。華佗。巢元方。孫思邈。王冰。朱肱。張元素。朱彥修。皆東向。以北爲上。歲以春冬仲月上甲遣官將事。豫日。太常寺官具祝版。祗割牲。太醫院官潔蠲殿廡內外。拂拭。

神座如儀。祀日五鼓。太常寺官具器陳正殿。

三皇位前各設一案。每案劔二。簋二。盞二。籩十。豆十。共牛一。羊一。豕一。前設香案各一。陳鑪一。鐙二。配位東西各設一案。每案劔二。簋一。盞一。籩十。豆十。羊一。豕一。鑪一。鐙二。殿中設一案。少西北向。供祝版。東設一案。西向。陳禮神制帛三。色白香盤三。爵九。尊一。西設一案。東向。陳素帛二。色白香盤二。爵六。尊一。凡牲陳於俎。凡帛實於筐。凡尊實酒承以舟。疏布羃。勺具。東廡分設三案。每案簋一。盞一。籩四。豆四。棧十。豕肉二。統設一。

案陳鑪一。燈二。設案一於南。北向。陳素帛一。香盤一。

尊一。爵三。篚。霽。勺。具。西廡陳設同。太常寺官設洗於

咸濟東門內。和聲署設樂於西階下。器數見祀真武禮承祭

官拜位。在殿階上。讀祝拜位。在殿內正中。兩廡太醫

院分獻官位甬道左右。太常寺司祝。司香。司帛。司爵。

分立祝案。尊案之次。典儀立殿外東階。掌燎率燎人

立於燎鑪南。味爽。司祝奉祝版。安於祝案。承祭官暨

分獻官。咸朝服。豫埃太醫院。鴻臚寺官引陪祀太醫

院官入咸濟門內。左右祇埃。至時。太常寺贊禮郎二

人引承祭官入咸濟東門。分獻官隨入。贊盥洗。承祭

官盥手畢。引至拜位前立。典儀贊執事官各共廼職。

贊禮郎贊就位。承祭官暨分獻官陪祀官均就位立。

典儀贊迎。

神樂作。辭曰。精氣緣乎理。調劑觀所頤。曰。惟古聖。嘗草定

醫。似鐵隨磁。疹除吉至。化工出自於指。萬姓永荷恩

施。贊禮郎引承祭官由殿左門入。詣正中香案前。贊

跪。承祭官跪。贊上香。司香跪奉香。承祭官上炷香。三

上辦香。興。以次詣左右正位前。上香。如儀。配位司香

官分詣各案前。跪。上香。兩廡贊禮郎引分獻官。分詣兩廡位前。上香畢。贊復位。承祭官復位。兩廡分獻官各復位立。贊跪。叩興。承祭官行三跪九叩禮。分獻官陪祀官均隨行禮。興。典儀贊奠帛。爵行初獻禮。有司揭尊罍。勺挹酒。實爵。司帛奉篚。司爵奉爵。以次詣各神位前。司帛跪奠篚於案。三叩興。司爵立獻爵。奠於壘中。畢。皆退。贊禮郎贊詣讀祝位。引承祭官就讀祝位立。司祝至祝案前。跪。三叩興。奉祝版跪案左。樂暫止。贊禮郎贊跪。承祭官跪。分獻官陪祀官咸跪。贊讀祝。司祝讀祝。辭曰。維某年月日。

皇帝遣某官某致祭於

太昊伏羲氏。

炎帝神農氏。

黃帝軒轅氏。曰。古昔聖人。德澤深宏。創制醫藥。拯濟斯世。

仁壽庶民。茲當仲春。謹以牲醴致祭。惟

神慈惠。蠲除疾疢。篤佑朕躬。致和天下。配以

勾芒氏之神。

祝融氏之神。

風后氏之神。

力牧氏之神。尚

饗。讀畢。奉祝版跪安。

太昊伏羲氏神位前篚內。叩如初。興退。樂作。贊禮郎贊叩。興。承祭官暨分獻官陪祀官均行三叩禮。興贊復位。引承祭官復位立。配位及兩廡執事生奠帛獻爵畢。各退。典儀贊行亞獻禮。正位司爵配位及兩廡執事生各奠爵於左。如初獻儀。典儀贊行終獻禮。正位司爵配位及兩廡執事生各奠爵於右。儀如亞獻。典儀贊徹饌。有司徹畢。贊送。

神贊禮郎贊跪叩。興承祭官分獻官陪祀官均行三跪九叩禮。興樂止。典儀贊奉祝帛饌送燎。有司奉祝帛香饌及兩廡香帛饌。以次恭送燎所。如儀。贊禮郎引分獻官鴻臚寺官引陪祀官皆退。承祭官避立拜位旁。西面。埃祝帛過。復位立。典儀贊望燎。贊禮郎引承祭官由咸濟東門出。詣燎位視燎。贊禮郎贊禮畢。樂止。承祭官退。執事各官皆退。

右祭先醫廟

致祭

關帝之禮。歲以春秋仲月諏吉。遣官一人將事。是日昧爽。廟祝潔埽殿宇內外。太常寺官具祝版。備器陳

神位前。牛一。羊一。豕一。登一。釧二。簠簋各二。籩豆各十。

鑪一。鐙二。殿中設一案。少西北向。供祝版。東設一案。

陳禮神制帛一。色白。香盤一。尊一。爵三。牲陳於俎。帛實

於篚。尊實酒。冪勺具。和聲署設樂於西階上。器數見祀真

禮式。太常寺設洗於東階上。承祭官拜位。在階上正中。

司祝司香司帛司爵與儀掌燎各以其職為位。如常

儀。質明。承祭官朝服詣廟。贊引太常寺贊禮郎二人

引承祭官由廟左門入。至東階上。盥手畢。引詣拜位

前立。典儀贊執事官各共迺職。贊禮郎贊就位。引承

祭官就位立。典儀贊迎。

神樂作。辭曰。扶植綱常。正浩氣。昭日星。絕倫獨立。英爽

若生。俎豆常馨。夏夷胥敬。仰神德。莫疇並。助邦家。永

太平。贊禮郎贊詣上香位。引承祭官入殿左門。就香

案前立。贊上香。司香跪奉香。承祭官上炷香。三上辦

香。畢。贊復位。引承祭官復位立。贊跪叩興。承祭官行

三跪九叩禮。興。典儀贊奠帛爵。行初獻禮。有司揭尊

冪。勺挹酒實爵。司帛奉篚。司爵奉爵。各進至

神位前。司帛跪奠篚於案。三叩。興。司爵立獻爵於案正

中。各退。司祝詣祝案前。跪。三叩。興。奉祝版跪案左。樂

暫止。贊禮郎贊跪。承祭官跪。典儀贊讀祝。司祝讀祝。

辭曰。維某年月日。

皇帝遣某官某致祭於

關帝之神曰。惟

神秀毓河山。名垂今古。英風正氣。世歷久而彌新。大節

純心。史相傳而莫匹。念神靈之顯著。命典禮以優隆。

茲當仲春用昭時饗。尙其歆格。鑒此精虔。尙

饗。讀畢。興。以祝版跪安於篚內。叩。如初。興。退。贊禮郎贊

叩。興。承祭官行三叩禮。興。典儀贊行亞獻禮。司爵獻

爵於左。贊行終獻禮。司爵獻爵於右。均如初儀。典儀

贊徹饌。有司徹畢。贊送

神贊禮。即贊跪。叩。興。承祭官行三跪九叩禮。興。樂止。典

儀贊奉祝。帛饌送燎。有司奉祝帛香饌。以次送燎。如

儀。贊望燎。贊禮郎引承祭官詣燎位視燎。禮畢。樂止。

承祭官及執事官皆退。

同日祭後殿以太常寺卿一人將事。

光昭公位中。

裕昌公左。

成忠公右均南向位各異案每案羊一豕一釧二簠簋

各二。導豆各八。鑑一。鐙二。殿中設案少西北向供祝

版東西各設一案分陳禮神制帛三。色白香盤三。爵九。

尊三。俎。篚。冪。勺。具。設洗於後垣門內甬道東承祭官

位殿檐下正中。司祝司香司帛司爵與儀掌燎各以

其職爲位如常儀。質明承祭官由前左門入後垣中

門盥手升階就位迎神引詣正位前上香畢以次詣

左右位前上香復位行二跪六叩禮初獻讀祝如儀

祝辭曰維某年月日

皇帝遣某官某致祭於

關帝之

曾祖光昭公

祖裕昌公

父成忠公曰惟

公盛德相承。令儀足式。歷數傳之。積累遂鍾。河嶽精靈。

儲曠代之威名。堪作巖廊矩矱。殊恩既沛於三世。時

饗宜錫於上公。茲當仲春用昭祀事。豆籩致潔。典禮

加隆尚。

饗。凡儀節均與前殿同。

右春秋祭關帝廟

歲五月旬有三日致祭

關帝廟前殿

神位前。陳牛一。羊一。豕一。果實五盤。鑪鐙具陳。設及行

禮儀節與春秋祭同。

祝辭曰。維某年月日。

皇帝遣某官某致祭於

關帝之神曰。惟

神。純心取義。亮節成仁。允文允武。乃聖乃神。功高當世。

德被生民。兩儀正氣。歷代明禋。英靈丕著。封號聿新。

敬修歲事。顯佑千春尚

饗。

同日並祭後殿。太常寺卿一人行禮。每案羊一。豕一。

果實五盤。典儀不贊。徹饌。司爵以執事。生餘陳設。及行禮儀節。與春秋祭同。

祝辭曰。維某年月日。

皇帝遣某官某。致祭於

關帝之

會祖光昭公。

祖裕昌公。

父成忠公曰。禮隆報祀。誼重推恩。當崧生嶽降之期。溯木本水源之始。輝煌棟宇。憑依已妥於上公。修潔豆

籩。將饗告虔於仲夏。惟

神照鑒。尙其歆格。

右五月十三日祭關帝廟

直省府州縣

關帝廟。歲均以春秋仲月。及五月旬有三日。致祭。前殿主祭。以地方正官一人。後殿以承史執事。以禮生祭。日陳設。迎神。上香奠獻。讀祝。送神。視燎。禮儀。並與京師祭前後殿同。

前殿祝辭曰。維某年月日。某官某。致祭於

關帝之神曰惟

帝浩氣凌霄。丹心貫日。扶正統而彰信義。威震九州。完

大節以篤忠貞。名高三國。

神明如在。徧祠宇於寰區。靈應丕昭。薦馨香於歷代。屢

徵異蹟。顯佑羣生。恭值仲春嘉辰。遵行祀典。筵陳饗

豆。凡奠牲醪。尚

饗。

後殿祝辭曰。維某年月日。某官某。致祭於

關帝之

曾祖光昭公。

祖裕昌公。

父成忠公。曰。惟

公世澤貽庥。靈源積慶。德能昌後。篤生神武之英。善則

歸親。宜享尊崇之報。列上公之封爵。

錫命優隆。合三世之肇禋。典章明備。恭逢仲春。諏吉。祇事

薦馨。尚

饗。

右直省府州縣祭關帝廟。

直省禦災捍患諸神於民有功德者加

封號立專祠祭

英衛公伍員於錢塘。

通祐王李冰於灌。

安瀾之神張巡於浮梁。

誠應武肅王錢鏐於臨安。

顯佑通濟王謝緒於宿遷。

靜安公張夏於蕭山。

寧江伯易紹恩於紹興。

寧漕公宋禮。

永濟之神白英於汶上致祭之禮每歲春秋所在守土

官具祝文

各隨時撰擬

香帛羊一豕一尊一爵三陳設祠

內如式質明守土正官一人朝服詣祠行禮儀節與

直省察

關帝廟同。

右祭直省所在有功德於民神祠

前代聖賢名臣忠烈祠墓暨

本朝開國勲臣墳墓恭逢

皇帝時巡方嶽離

御道三十里內者遣官致奠前期翰林院具祝文隨時隨人撰擬

太常寺備香帛授遣官齋往祭日守土官於祭所設

洗備脯醢果實七盤品物各隨其土產鑪鑪具左設一案供

祝文右設一案陳香盤一帛一尊一爵三通贊一人

引贊二人司祝香帛爵各一人以所在禮生充黎明

遣官朝服至所祭地引贊引詣盥洗所盥手畢通贊

贊執事者各司其事引贊贊就位引遣官詣拜位前

立通贊贊迎神引贊引遣官詣香案前司香奉香跪

於左引贊贊上香遣官上香如常儀贊復位遣官退

復位贊跪叩興遣官行三跪六叩禮興通贊贊奠帛

爵行初獻禮司帛獻篚司爵獻爵如常儀贊讀祝司

祝奉祝文立案左宣讀訖安於篚內退亞獻終獻均

如初儀通贊贊送神引贊贊跪叩興遣官行三跪六

叩禮興通贊贊奉祝帛送燎執事者各奉祝帛香以

次送燎通贊贊望燎引贊引遣官詣燎鑪前視燎禮

畢引遣官退執事者皆退

右時巡遣祭聖賢忠烈名臣勲臣祠墓

祭

賢良祠之禮。前室祀宗室親王以下。貝勒貝子以上。後室祀公侯伯以下。一二品大臣以上。均按代序官。同代同官。序其年月。位均南向。歲春秋仲月。諏吉。前室遣官一人致祭。後室以太常寺卿一人將事。所祀王子孫。咸與行禮。大臣子孫通籍在京者如之。祭之日。太常寺官入祠供具。前室異案。各羊一。豕一。果實五盤。鑪一。鐙二。中設一案。少東北向。供祝版。西設一案。東向。陳香盤二尊。二爵。六素帛二。色白。後室五案。共

羊一。豕一。每案果實五盤。鑪鐙具。東設一案。西向。陳香盤一尊。一爵。三素帛一。凡牲陳於俎。帛實於篚。尊實酒。罍勺具。設洗於前室東階下。前後各設燎鑪於垣門內。東南隅。漏未盡。與祭者各服其服。畢集於祠垣門內。太常寺典儀立前室檻外之東。司祝並祝案東。司香。司帛。司爵。各以其職為位。掌燎率燎人立燎鑪前。質明。承祭官朝服詣祠。贊禮郎二人。引前室承祭官由中門入。又二人。引後室承祭官隨入。各至東階下。盥手畢。升階。就拜位前立。鴻臚寺官引王以下

子孫序立於前室甬道左右。引公以下大臣子孫序立於後室庭中左右。均北面。典儀贊執事官各共廼職。贊禮郎贊就位。承祭官以下咸就位。贊上香。前室承祭官詣正中香案前立。司香跪奉香。承祭官上炷香。三上瓣香。次詣各香案前。上香如儀。贊復位。承祭官復位。贊跪。叩興。承祭官暨陪祀官均行二跪六叩禮。興。後室承祭官同時詣中案前。上香。儀同。凡儀贊隨前室唱贊行禮。典儀贊奠帛。爵。行初獻禮。有司揭尊。幕。勺。挹酒。實爵。司帛奉篚。詣案前。跪奠於案。三叩興。司爵

奉爵立獻正中。皆退。前室後室同。司祝詣祝案前。跪三叩興。奉祝版立案右。典儀贊讀祝。司祝北面宣讀。承祭官立聽。陪祀官皆跪聽。辭曰。維某年月日。

皇帝遣某官某。

諭祭賢良祠王大臣等之靈曰。功銘鐘鼎。尚書崇元祀之文。德冠巖廊。周禮著大烝之典。蓋旗常載績。本臣子之素懷。而俎豆薦馨。乃朝廷之崇報。爾親王等。望重親賢。粹鐘川嶽。竭忠誠而體國。著勲德於當年。大臣等。或當列祖開基之日。佐命立功。或際熙朝極盛之時。宣猷贊化。或

驅除暴亂。定疆宇於域中。或震耀聲靈。收版圖於海外。內則合星卿月。奏亮工熙載之勲。外則錫鉞授麾。裹阜物安民之治。老成謀國者。進黃髮之嘉猷。清白持身者。表素絲之高節。純勤盡職。則夙夜匪躬。密勿承休。則堂廉一德。我

皇考追思前蹟。特煥褒綸。崇廟宇於神京。布几筵而時祭。蓋以表揚既往。沛酬庸褒德之恩。激勸將來。勵懷古欽風之志。朕寅承丕基。嗣舉舊章。撫節物以懷賢。潔牲牢而致享。英靈如在。尚克歆承。讀訖。司祝以祝版安於中案。

篚內跪三叩。興。退。陪祀官三叩。興。典儀贊行亞獻禮。司爵奉爵奠於左。贊行終獻禮。司爵奉爵奠於右。均如初儀。贊禮郎贊跪叩。興。承祭官暨陪祀官均行二跪六叩禮。興。典儀贊奉祝帛送燎。司祝司帛司香奉祝帛香。以次送燎。如儀。承祭官避立西旁。俟過復位。典儀贊望燎。陪祀官退。贊禮郎各引承祭官分詣燎位視燎。贊禮畢。仍引由中門出。各退。

右祭京師賢良祠

直省會城。歲春秋仲月。祭守土有功德大吏於賢良

祠祭日視

京師以知府一人主之。教授、教諭、訓導等官執事。祭品用羊一豕一。果實五盤。帛一尊爵。鑪、鐙。具主祭官上香。奠帛三獻。行禮。儀均與直省祭忠孝節義祠同。祝辭曰：維某年月日某官某致祭於

賢良之靈曰：惟

靈文武憲邦公忠體國當

皇朝之肇造。心膂攸同。值

列聖之不承。股肱作輔。明良合德。奮庸而庶績咸熙。中外宣

猷敷澤而兆民永賴。洵屬廟廊之碩望。尤宜俎豆以

明禋。考績紀勲。崇報昭垂於令典。陳牲奠幣。馨香祇

薦於歲時。尚

饗。

右祭直省賢良祠

京師功臣專祠。歲以春秋仲月。諏吉遣太常寺卿分詣致祭。祭

定南武壯王之禮。祠內一案。以福晉配。祭日太常寺官入祠。具器陳。羊一豕一。果實五盤。鑪一。鐙二。中設

一。案。少東。陳祝文。東設一案。陳尊一。香盤一。素帛三。爵九。設洗於祠門內之東。司祝。司香。司帛。司爵。典儀。掌燎。各以其職爲位。如常儀。質明。承祭官朝服詣祠。贊禮郎二人。引自中門入。盥手。畢。升階。詣拜位前立。典儀贊執事官各共迺職。贊禮郎贊就位。承祭官就位立。贊禮郎引承祭官詣香案前。贊上香。司香跪奉香。承祭官上炷香。三上。辦香。畢。贊復位。承祭官復位。贊跪。叩。興。承祭官行二跪六叩禮。興。典儀贊奠帛。爵。行初獻禮。司帛奉篚。司爵奉爵。各奠於案。如常儀。退。司祝至祝案前。跪。三叩。興。奉祝文立案右北面。宣讀辭曰。維某年月日。

皇帝遣某官某。

諭祭於定南武壯王。孔有德之靈曰。人臣盡忠仗節。矢天口而不渝。朝廷恤死酬勲。撫歲時而增感。爾定南武壯王。孔有德。膚功早著。偉烈常存。茲當仲春之辰。益念忠良之績。特頒祭典。用慰幽靈。王如有知。尙克歆饗。讀訖。以祝文安於篚內。跪。叩如初。興。退。典儀贊亞獻。司爵獻爵於左。贊終獻。司爵獻爵於右。均如初儀。贊禮郎

贊跪叩。與承祭官行二跪六叩禮。典儀贊奉祝帛。送燎。司祝司香司帛奉祝帛香。以次送燎。如儀。承祭官避立拜位西旁。俟過復位立。典儀贊望燎。贊禮郎引承祭官詣燎鑪前視燎。贊禮畢。仍引由中門出退。

右祭定南武壯王

歲春秋祭

恪僖公之禮。祠內一案。以夫人配。祭日用素帛二爵。六餘陳設。及行禮儀節。與

定南武壯王同。

祝辭曰。維某年月日。

皇帝遣某官某。

諭祭於恪僖公。過必隆之。靈曰。沛隆恩於勳舊。國有彝章。展時祭於春秋。禮踰常格。爾恪僖公。過必隆。名垂青簡。績著豐碑。追椒寢於所生。宜專祀以有永。茲當春秋仲甲侑几筵。靈如有知。尚克歆饗。

右祭恪僖公

歲春秋祭

勤襄公之禮。祠內三案。勤襄公。終圖賴。居中。忠勇公

佟國綱左端純公佟國維右各以夫人配祭日每案
羊一豕一果實五盤鑪一鐙二東西各設一案分陳
香盤三素帛七爵二十有一尊三承祭官朝服詣祠
就位以次至各案前上香畢復位行禮儀節均與祭

定南武壯王同。

祝辭曰維某年月日

皇帝遣某官某

諭祭於勤襄公佟圖賴忠勇公佟國綱端純公佟國維之
靈曰崇功報德禮首逮於元臣錫類推恩誼尤敦於懿

感考彝章而立廟因時序以薦薦惟爾一門宣猷累葉
效忠貞而體國名著旂常秉孝義以型家芳傳國史望
高閭閻蔚為勲舊之宗慶衍庭幃光啟

聖慈之範茲當春秋仲特遣專官設奠几筵靈其歆饗

右祭勤襄公

歲春秋祭

文襄公之禮祠內一案以夫人配祭日用素帛三爵
九餘陳設及行禮儀節與

定南武壯王同。

祝辭曰維某年月日

皇帝遣某官某

諭祭於文襄公圖海之靈曰義重酬勲眷鈞衡之舊德禮隆秩祀因節序以申恩爾文襄公圖海望高國器功贊王猷表世德於戟門生膺弗祿贈崇階於鼎爵歿被榮名渙新綽而建祠遣專官而致祭時當春秋仲式布几筵靈其有知尚能歆饗

右祭文襄公

歲春秋祭

宏毅公之禮祠內一案祭日用素帛一爵三餘陳設及行禮儀節與

定南武壯王同

辭曰維某年月日

皇帝遣某官某

諭祭於宏毅公額宜都巴圖魯之靈曰誼重酬庸茂典聿加於勲舊禮隆展祀歲時宜備於馨香爾宏毅公額宜都巴圖魯開國名臣從龍上佐表成勞於鐘鼎青史揚芬紀緯績於旂常豐碑示寵既叨恩於廟食更賜祭於

專祠式貢新綸允符彝憲時當仲春用布几筵靈而有知尙其歆饗

右祭宏毅公

歲春秋祭

恪僖公之禮祠內三案恪僖公哈世屯居中敏果公米思翰左莊愨公李榮保右各以夫人配祭日陳設行禮儀節與

勤襄公同

祝辭曰維某年月日

皇帝遣某官某

諭祭於恪僖公哈世屯敏果公米思翰莊愨公李榮保之靈曰禮隆念舊千秋之俎豆攸光義重酬庸奕代之馨香勿替考彝章而秩祀因時序以申恩惟爾一門夙稱望族忠誠體國數傳紀績於旂常端敬型家累葉垂芳於圖史祥開坤極早錫榮封佑啟勲賢復新廟貌命祠官而陳芬苾落成已賁恩綸隨節候而展几筵歲薦彌昭懿典茲當春仲常祀聿修靈如有知尙其歆饗

右祭恪僖公

祭

盛京賢王祠之禮。正殿設三案。中案奉通達郡王雞爾哈齊。武功郡王禮敦。慧哲郡王額爾哀。左案奉宣獻郡王界堪。禮烈親王代善。饒餘親王阿巴泰。右案奉鄭簡親王濟爾阿朗。穎毅親王薩哈廉。怡賢親王允祥。位均南向。每案羊一。豕一。果實五盤。鑪。鏡。具。殿中少東設案一。陳祝文。東設一案。陳尊九。素帛九。爵二十有七。歲春秋季月。以奉天府尹承祭。讀祝贊禮。暨執事官。以

盛京禮部贊禮郎充。餘行禮儀節。均與京師賢良祠同。

祝辭曰。維某年月日。

皇帝遣某官某。

諭祭於通達郡王。武功郡王。慧哲郡王。宣獻郡王。禮烈親王。饒餘親王。鄭簡親王。穎毅親王。怡賢親王。之靈曰。功推元祀。懿親光翊。贊之勲。禮重專祠。時祭稱褒崇之典。溯謨猷而長在。申禋祀以彌加。惟王等。川嶽鍾英。親賢備美。當

列祖開基之日。丕奮忠勤。緬舊邦佐命之勞。通昭來許。恩垂帶礪。既錫祉於銀潢。績煥旂常。亦揚芬於玉冊。新祠肇建。懿典攸崇。褒德酬庸。篤念風雲之會。感時撫序。式憑俎豆之馨。茲以仲春用申告祭。靈其不昧。尙克歆饗。

右祭盛京賢王祠

祭

昭忠祠之體。凡親王。郡王。貝勒。貝子。公。侯。伯。大學士。內大臣。尙書。都統。將軍。總督。一品子爵。前鋒統領。護軍統領。侍郎。巡撫。副都統。二品男爵。三品京卿。提督。總兵官。及武職加贈至正。從。一品等官。各奉安於前室。位均南向。凡四品卿。翰林學士。布政使。按察使。一等侍衛。叅領。輕車都尉。及武二品之副將等官。奉安於後正室。凡五品少卿。二等侍衛。道府。佐領。騎都尉。及武三品之叅將。遊擊等官。奉安於後左室。凡侍衛。侍讀。御史。郎中。員外郎。主事。三等侍衛。雲騎尉。及武四品之都司等官。奉安於後右室。位均南向。凡同知。知州。通判。驍騎等校。及武五品之守備等官。奉安於前東配室。凡知縣。筆帖式。州。回縣。佐以下。及武六品。

之千把總等官奉安於前西配室東位西向西位東
向配室左右及前廡東西羣房凡陣亡士卒以其名
附歲春秋仲月諏吉遣大臣一人詣前室致祭太常
寺官十有三人各分獻所祀王公子孫暨諸臣子孫
在京師者咸與行禮祭之日太常寺官入祠供具前
室七案中室羊一豕一果實五盤左三案各果實五
盤共羊一豕一右如之中左右各香案一鑪一鐙二
後正室五案後左右室各三案每案果實五盤共羊
一豕一爵三

中案奠獻餘爵實酒
豫設配室及房廡同

每室統香案一鑪

鐙具東西配室各五案陳設如之前廡及後東西羣
房每案果實二盤豕肉一爵三鑪鐙具前室中設一
案少東北向供祝版東西序設案分陳香帛尊虛爵
後室及前配室左右房廡分陳香帛房廡不
設帛尊虛爵
如儀漏未盡與祭者各服其服畢集祠門內太常寺
典儀立室東檐下司祝立祝案東司香司帛司爵各
以其職為位掌燎率燎人立燎鑪前質明承祭官暨
分獻官朝服詣祠贊禮郎引承祭官由中門入至東
階下盥手畢升階就拜位前立引後室分獻官各於

中檻外序立。引前配室及房廡各分獻官於甬道上。東西序立。鴻臚寺官引陪祀宗室王公及大臣官弁。後裔見任一品二品者。於階上東西。三品以下五品以上。於階下東西。六品以下。及有職者。在大門內階下東西。按班序立。典儀贊執事官各共酒職。贊禮郎贊就位。承祭官就位。贊禮郎引由前室中門入。詣香案前立。贊上香。司香跪奉香。承祭官上炷香。三上。辦香。以次詣左右香案前。上香如儀。贊復位。承祭官復位。贊跪。叩。與承祭官分獻官暨與祭者均行二跪六叩禮。與典儀贊奠帛。爵行初獻禮。前室司帛奉篚。各奠於案。三叩。與司爵奉爵。各奠於正中。皆退。同時後室東西配室房廡分獻官分詣各香案前。上香如儀。執事生獻帛於案。司爵獻爵中案正中。退。司祝詣祝案前。跪三叩。與奉祝版立案右。典儀贊讀祝。司祝北面宣讀。承祭官及分獻官立聽。與祭者跪聽。辭曰。維某年月日。

皇帝遣某官某。

諭祭八旗直省盡節立功王大臣等之靈曰。周禮有司勳

之職。名勒旂常。祭法載勤事之文。光生俎豆。蓋舍生取義。臣子抒報國之忱。而報德酬庸。朝廷示作忠之典。英標如在。渥澤宜頒。爾王大臣等。丹心自勵。正氣挺生。果敢本於性成。見危投命。忠誠矢於敵愾。視死如歸。生當開創之年。執銳披堅。實賴干城之佐。運際承平之日。安邊除暴。亦資禦侮之才。或陷陣以爭先。或守土而盡職。或被誘不辱。乃授首以從容。或深入無援。遂致身於倉卒。雖天戈所指。如振槁而摧枯。乃大義爲昭。可凌霄而貫日。我

皇考軫懷曩烈。誕賁殊榮。命立專祠。俾膺特典。王公將帥。躋正宇之輝煌。士卒偏裨。列兩廡而陪侍。蓋所以表忠貞於既往。昭節義於無窮。朕洪緒丕基。遵行常祀。恭書竹帛。旣揚久遠之芳徽。禮薦牲牢。勿替春秋之血食。苾芬在列。靈爽歆承。讀訖。以祝版奉安於中案。篚內跪叩。如初興退。與祭者咸三叩興。亞獻終獻。均如初儀。贊禮。郎贊跪叩。興承祭官分獻官。及與祭者均行二跪六叩禮。典儀贊奉祝帛。送燎。有司奉祝帛香。以次送燎。承祭官視燎均如祭。

賢良祠之儀

右祭昭忠祠

祭

雙忠祠之禮。歲春秋仲月。遣官一人將事。是日太常寺官具祝版。備器陳龕位前。統設一案。陳羊一。豕一。果實五盤。鑪。鎗。具。設案於祠內正中。少東供祝版。東設一案。陳素帛二。香盤一。尊一。爵六。設洗於東階下。正之南。承祭官拜位。在香案前正中。司祝。司香。司帛。司爵。典儀。掌燎。各以其職爲位。質明。承祭官朝服詣祠。行禮儀節。與祭。

昭忠祠同。

祝辭曰。維某年月日。

皇帝遣某官某。

論祭於襄烈伯傅清。壯果伯拉布敦之靈曰。臣子効匪躬之節。報禮斯隆。國家昭異數之恩。褒忠罔替。旣旂常之永勒。宜俎豆之世延。惓撫流光。長懷往績。爾襄烈伯傅清。壯果伯拉布敦。共矢精誠。同宣義烈。捐生絕塞。已銘殊績於鐘鐻。晉爵崇階。用妥貞魂於廟食。茲當春秋仲爰

命祠官載考彞章。聿修秩祀。馨香申薦。歷日月以如新。琬琰揚芳。與山河而共久。爾靈不昧。尙克歆饗。

右祭雙忠祠

歲春秋祭西征陣亡將士於蘭州忠勇祠。守土官一人主祭。丞史二人分獻。執事以禮生充。正祠祀諸將帥案各果實五盤。素帛一尊。一爵三鑪。一鐙二共。羊一豕。一兩廡祀諸軍卒案各果實二盤。豕肉一尊。一爵三鑪。一鐙。具祭之日。所司備祝文。具牲牢品物。守土官朝服詣祠行三獻禮。儀與直省祭忠孝節義祠同。

右祭忠勇祠

直省府州縣歲三月寒食節。七月望日。十月朔日。祭厲壇於城北郊。前期守土官飭所司具香燭。公服詣神祇壇。以祭厲告本境。

城隍之位。上香。跪。三叩。興。退。至日。所司陳羊三。豕三。米飯三石。尊酒楮帛於祭所。設燎鑪於壇南。黎明。禮生奉請。

城隍神位入壇。設於正中。香案一。鑪。鐙。具。贊禮生二人。引守土官公服。詣。

神位前贊跪。守土官跪。贊上香。守土官三上香。贊叩興。
守土官三叩。興退。執事者焚楮帛。守土官詣燎鑪前。
祭酒三爵。退。禮生仍奉

城隍神位還

神祇壇退。

右直省祭厲 附

大清通禮卷之十六

吉禮

親王世子郡王家祭之禮。立廟七間。中五間為堂。左
右二間隔以牆為夾室。堂後楹以北五室。中奉始封
之王。世世不祧。高曾祖禰依世次為二昭。二穆。昭東
穆西。親盡則祧。由昭祧者。藏主於東夾室。升昭之二
位於一室。以二室奉升祧之主。由穆祧者。藏主於西
夾室。升祧亦如之。庭繚以垣。南為中門。又南為廟門。
左右各設側門。庭東西廡各三間。東藏遺衣冠。西藏

祭器樂器。廟重檐。丹楹。采梅綠瓦。紅堊壁。階凡三出。陛門。繪五色花草。出陛如之。焚帛鑪在中門之內。庭東南隅。封牲房。在中門之外。西向。歲以四時。仲月。諏吉。祭其始。封祖。及高曾祖。禰五世。仲春之祭。並出祧主合食。

右廟制祭期

合食之禮。既擇日。徧告在廟所出子孫成人以上者。屆期會行禮。府屬官僚咸陪祭。先三日。戒子弟屬官。有執事於廟者。讀祝一人。通贊一人。引贊一人。職盥一人。掌燎一人。職拜禱二人。以屬官爲之。奉香每案一人。奉帛每案一人。奉爵每位一人。以子孫爲之主。人齋於外寢。陪祭。執事者咸致齋。

右戒執事齋

祭前一日。執事者入廟。埽除拂拭。主人盛服率執事詣廟。引贊引主人入自東門。執事者隨入。升東階。入堂左門。北面視設神案。堂中始封祖專案。正位南向。左東夾祧主共案。東位西向。西夾祧主共案。西位東向。左次。二昭共案。東位西向。右次。二穆共案。西位東向。

堂中少西設祝案一北向東序設香帛案一尊案一均西向設盥於東階上既備引贊引主人降詣庭東廊下展樂器祭器闋祭文詣割牲所視殺牲畢由廟東門出各退。

右闋祭器視割牲

祀日昧爽廟中然炬明鐙主人率陪祭者執事者咸朝服。未仕者盛服。人執事者入堂左門具器陳每案羊一豕一。劍二。簠二。簋二。籩八。豆八。器未備者代以盤碗時物隨用。鑪一。鐙二。每位七。一箸二。祝陳祝文於祝案。職香帛爵者

陳香盤五。尊五。帛每位各一。爵每位各三。於負序東案上。陳胾盤於爵北。實帛於篚。實酒於尊。實水於盥盆。加巾。樂工陳樂於西階上。樂六器。工六人。主人位堂檐內正中。北面。與祭伯叔以上尊行。位東階上。兄弟子孫位東階下。以世為差。世以齒為序。官屬位西階下。以爵為序。北面。祝立祝案西。東面。職香帛爵者。序立尊案之東。西面。樂工立西階上。北面。通贊立堂門外東楹前。職盥者立盥所。燎人立燎鑪隅。

右陳設序位

質明子弟之長者二人詣始祖室前。啟室奉請神主。又四人分詣東西夾室。昭穆室前各奉請神主。安設於几。皆昭位考右妣左。穆位考左妣右。跪一叩興。各退就原位立。職拜褥二人布褥於主人拜位前。通贊贊執事者各司其事。引贊引主人陟東階。至盥洗所盥手。畢。通贊贊就位。引贊引主人就拜位立。子弟屬官各就位立。通贊贊迎神。職香者奉香盤進。樂作。引贊引主人詣始祖位前。贊跪。主人跪。贊上香。職香者跪奉香。主人三上香。興。以次詣左右祧位。左右昭穆位前。上香畢。復位。贊叩興。主人宗族屬官行二跪六叩禮。興。樂止。通贊贊奠帛爵。行初獻禮。樂作。執事者揭尊。冪勺挹酒。實爵。職帛者奉帛。職爵者奉爵。以次詣各神位前。奠篚於案南。獻爵於案北正中。畢。皆退。樂暫止。祝者至祝案前跪。奉祭文於案左。引贊贊跪。主人跪。陪祭者皆跪。贊讀祝。祝讀祝畢。興。奉祭文奠於始祖案前帛篚內。退。樂作。贊叩興。主人率陪祭者三叩興。樂止。通贊贊行亞獻禮。職爵者奉爵。各獻於左。如初儀。贊行終獻禮。奉爵各獻於右。如亞獻儀。既

終獻引贊引主人詣始封祖位前奉福胙二人

以前位前

職帛爵者供事取胙槃詣始祖案前一抄簠簋之實於槃一

取案北正中爵退至主人右跪俟接福胙二人跪俟

於左以職拜禱者供事贊跪主人跪右執事進爵主人受爵

拱舉以授左執事進胙受胙亦如之畢執事者各退

贊叩與主人三叩與退復位通贊贊徹饌辭神樂作

執事者徹畢引贊贊叩與主人率陪祭者行二跪六

叩禮與樂止通贊贊奉祝帛送燎執事者跪奉祝帛

香與祝前香帛後以次由堂中門出送燎所主人避

立拜位旁東面職拜禱者徹禱俟過復位與祭尊屬降階立

庭東西東西面通贊贊望燎引贊引主人降自東階

詣燎位東面視燎畢告禮成主人退就庭東送子弟

之長者各詣神位前奉主還室跪三叩闔室退執事

者潔滌祭器謹藏之主人率陪祭執事者咸退乃分

胙徧頒於族屬

右行禮

時祭之禮堂中設五案始祖考妣正位南向高曾祖

禰依昭穆為左右與合食同均南向屆日陳設每案

專牲。羊一。豕一。餘牲帛器數及禮節，並與合食儀同。

右時祭

時節致薦。先一日，潔備品物。屆日，主人夙興，率子弟盛服入廟，埽除堂宇。於始祖暨四親室前設案，每案果六槃。時羞六槃，香槃一。每位者二瓊，三鑪，鈴具陳設畢，子弟之長者分詣各神位前，啟室。主人以次詣各案前，跪，上香三叩。子弟取壺注酒於瓊，徧獻一巡。主人就拜位前，行二跪六叩禮。子弟少後，隨行禮畢，乃徹果饌，闔室各退。

右時節薦新

因事致告。屆日夙興，入廟，啟室薦果槃四，庶羞四，主人上香，子弟酌酒獻酒，及行禮儀注，並同薦新儀。

右因事告廟

月朔日及望日，謁廟禮節，與致告同。東西夾室祧位前，每月朔望，主人就室前啟室，上香，二跪六叩。子弟獻酒隨行禮，如前儀，畢，闔室退。

右朔望行禮

貝勒貝子宗室公家祭之禮。立廟五間，中三間爲堂，

後楹以北分五室。奉始封祖。暨高曾祖禰。兩旁為夾室。奉始封而下親盡祧主。如前位。廟及大門。均綠瓦。紅堊壁。階五級。廟不重檐。門不備采。餘如前制。合食。始祖專案。專牲。羊一。豕一。東夾室祧主。暨二昭。專案。共牲。羊一。豕一。西夾室祧主。暨二穆。亦如之。時祭。皆專案。二昭同牲。二穆同牲。視親王。籩豆各減二。不用樂。行禮。皆一跪三叩。餘儀與親王同。時節則薦。果。粢。二。四時羞。饗。四。有事則告。朔望則參。果。粢。二。庶羞。饗。二。薦獻儀節。均與親王同。

右貝勒貝子公家祭

品官家祭之禮。於居室之東立家廟。一品至三品官。廟五間。中三間為堂。左右各一間。隔以牆。北為夾室。南為房。堂南檐三門。房南檐各一門。階五級。庭東西廡各三間。東藏遺衣物。西藏祭器。庭繚以垣。南為中門。又南為外門。左右各設側門。四品至七品官。廟三間。中為堂。左右為夾室。為房。階三級。東西廡各一間。餘制與三品以上同。世爵公侯伯子。視一品。八九品男以下。按品為差等。廟三間。中廣。左右狹。階一級。堂及垣皆一門。庭無廡。

以篋分藏遺衣物祭器陳於東西房餘與七品以上

同。在籍進士舉人視七品。恩板歲副貢生視九品。堂後楹北設四室奉高曾

祖禰四世皆昭左穆右妣以適配南向高祖以上親

盡則祧由昭祧者藏主於東夾室由穆祧者藏主於

西夾室遷室祔廟均依昭穆之次東序西序為祔位

伯叔祖之成人無後者伯叔父之成人無後及其長

殤十六歲至十九者兄弟成人無後及其長殤中殤十二歲至十五

者妻先歿者子姓成人無後及其長殤中殤下殤九歲

至十者皆以版按行輩墨書男統於東女統於西東

西向歲以春夏秋冬仲月擇吉致祭戒子弟讀祝一

人贊禮一人執爵每案二人分薦祔位東西各一人

凡在廟所出子孫年及冠以上者皆會行禮

右廟制祭期

先祭三日主人及在事者咸致齋前一日主人率子

弟盛服入廟視潔除拂拭畢執事者於各室前設几

几前供案堂南總香案一鑪擎具祔位東西各統設

一案設祝案於香案之西設尊爵案於東序設盥槃

於東階上視割牲一品至三品官羊一豕一四品至

七品。特豕。八品以下。豚肩。不特殺。視滌祭器。三品以上。每案。俎二。鉶二。敦二。籩六。豆六。七品以上。籩四。豆四。八品以下。籩二。豆二。皆俎一。鉶敦數同。代以時用。樂碗者。聽。辦祭器之實。俎實牲體。鉶實羹。敦實飯。籩實時果。餅。餌。魚。腊。獸。腊之屬。豆實炙。載。時蔬之屬。

右致齋具牲饌

屆日五鼓。主人朝服。與祭執事者盛服。入廟。主人竝於東階下。族姓。埃。庭。東西。以昭穆世次為序。執事者陳鑪。鑿於供案南。陳尊。爵於東序案。代以壺。琖者聽。陳祭文。

於祝案。實水於盥盤。加巾。主婦率諸婦盛服入。詣饗所。視烹飪羹定。入於東房。治籩豆之實。陳鉶敦。七箸。醢醬以埃。質明。子弟之長者盥。詣各室前跪。一叩。與啟室。奉主以次設於几。昭位。考右妣左。穆位。考左妣右。分薦者設東西耐位。畢。贊禮立堂東檐下。西面。諸執事分立東西序端。相向。贊就位。主人升自東階。盥詣中檐拜位立。族姓行尊者立於東西階上。卑者立於階下。皆重行北面。贊參神。主人入堂左門。詣香案前跪。執事二人。司爵者充。一奉香槃。一挹尊酌酒。詣主人。

左右跪。左進香。主人三上香。右進爵。主人酌酒於地。以爵奠於案。與退出右。門復拜位。及族姓行一跪三叩禮。贊初獻。主婦率諸婦出於房。薦七箸醯醬於几前案北。跪一叩。與徧及耐位。退入於房。庖人解牲體實於俎。執事者奉以升。各薦於供案。主人詣高祖考案前。執爵者奉爵。主人獻爵奠於正中。跪叩。與以次詣曾祖。祖禰案前。獻爵如前儀。分薦者徧獻耐位酒。訖。退立於拜位。贊讀祭文。主人跪。族姓皆跪。祝詣祝案之左。跪讀祭文曰。維某年月日。孝孫某。謹告於某

考某官府君某妣某氏之靈曰。氣序流易。時維仲春。追感歲時。不勝永慕。謹以潔牲庶品。粢盛醴齊。敬薦歲事。以某親某氏等耐食尚饗。讀訖。與以祭文復於案退。主人以下。一叩。與贊亞獻。庖人納羹飯於東房。主婦率諸婦和羹。實於鉶。實飯於敦。出薦於案。及腊肉多載。徧跪叩。與退如初禮。主人獻爵於各位之左。贊三獻。主婦率諸婦出於房。薦餅餌果蔬。叩退。主人獻爵於各位之右。分薦者徧獻耐位酒。均如初獻儀。贊受嘏。祝取高祖供案酒饌。降至香案旁。主人詣

香案前跪。祝代祖考致嘏於主人。主人啐酒嘗食。反器於祝。接以興。主人一叩。興。復位。贊送神。主人以下。一跪三叩。贊望燎。祝取祭文。由中門出。送燎。主人退。避東階下。行葦長者咸降階。主人詣燎位視燎。畢。與祭者出。主人率子弟納神主上香行禮。徹祭器傳於燕器。潔滌謹藏之。闔門各退。

右祭儀

日中乃餼。三品以上。特祭。徧舉。四品至七品。春秋二舉。八品九品。春一舉。庖人熱酒饌。僕人布餼席於堂。

東西北上陳醯醬於席四隅。琖楪匙箸之屬皆辦。與祭者尊卑咸在。從曾祖諸父居東第一席。從祖諸父居西第一席。諸父次東一席。諸昆弟次西一席。諸子諸孫在東西之末各一席。序定。主人肅尊者入席。從曾祖諸父卽席。從祖諸父東向尊者肅揖。就位。諸父東向揖。西向揖。就位。諸昆弟揖。如之。復揖諸父。就位。諸子揖。如諸父。復揖諸昆弟。諸孫揖。如諸子。復揖諸子。皆就位。主人離席。僕執壺實酒。從。主人酌諸尊長酒。每酌一人肅揖。尊長答揖。徧就位。子弟之長者離

席。僕人執壺從。敬酌主人。諸子弟咸避席揖。主人答揖。復位。主人命諸子弟徧酌酒。席中少者舉壺。各酌於其長者。既徧。皆坐。主人興。舉酒請於尊長。坐。尊長乃嘗酒。卒爵。眾嘗酒。卒爵。僕人進食。主人興。請於尊長。坐。尊長舉箸嘗食。乃皆食。每進食。子弟間行酒。三巡。長幼獻酬交錯。飲無算爵。湯飯畢。長者起。主人請留。長者告飽。遂離席。諸子弟咸隨離席。以次出。主人送長者於門外。人命徹席。餽庖人。僕人皆盡。

右餽

焚黃告祭之禮

制書至。主人以黃紙恭牋一通。奉於廳事正中。誦吉。凡擇同姓。或戚屬已仕者一人。宣制。戒子弟引贊二人。通贊二人。徧戒族姓。屆期會行禮。前一日齋戒。備告文。祝文。牲饌。視新贈之爵為等。至日夙興。灑掃堂宇。供張設饌案。以追贈所及世數為準香案。施柳如儀。設改題神主案於堂東。西向。使人宿宣制者。主人朝服。率子弟盛服入廟。諸與祭者皆會。主人詣贈主室前。啟室焚香。跪。子弟一人奉告文。跪於主人

之左讀告文辭曰維某年月日孝子某或稱孝孫隨宜謹告

於某考某官府君某妣某封某氏之靈曰某幸得列

於位恭逢

恩命

贈及先人敬請神主祇受

制書改題奉祀謹告讀訖與主人叩興奉考主子弟奉妣

主及族姓出廟門俟於道左宣制者奉

制書前引二人導行至廟眾跪接

制書入中門升中階南向立眾皆隨入至階下序立主人

奉考主在東子弟奉妣主在西族姓重行立其後皆

北面通贊分立東面柱前贊宣

制主人以下皆跪聽宣

制畢奉主行三跪九叩禮眾隨行禮宣制官以

制書供香案柳上主人奉主出改題案上揖勞宣制者宣

制者答揖復揖辭降自西階主人從至廟大門外揖

送入改題神主爵位訖奉主復位序立參神讀祝三

獻酒如時祭之儀祝辭曰維某年月日孝子某謹告

於顯考某府君顯妣某氏之靈曰某恭承庭訓列位

於

朝仰荷

皇仁推恩所生。贈考爲某銜妣爲某銜感念先澤。祿弗逮養。茲以焚黃。謹備牲醴。用伸薦告。尙饗。祭畢。焚黃並祝文。奉主復於室。闔室出。主人以下皆退。頒胙於宣制者。餽族姓。如儀。

主人右焚黃告祭

歲逢令節。薦新物。一二三品官。每案時果四。庶羞四。羹飯具。四品。至七品官。每案時果二。庶羞四。八品九

品官。每案時果庶羞各二。餘同。是日夙興。主婦潔辦果饌。主人盛服。率族姓子弟入廟。然鐙。灑埽。設案室前。訖盥洗。啟室。子弟分陳匙箸。壺瓊之屬於案北。主人序立於香案前。族姓以次序列於主人之後。主人跪。焚香。訖叩。興。子弟奉果羞。從主人詣高祖考妣位前。薦果。薦羞畢。子弟舉壺。取瓊酌酒。進於主人。主人奠酒。訖。子弟復奉羹飯。從主人薦羹飯。訖。以次詣各案薦奠。如前儀。退至香案前。率族姓子弟一跪三叩。興。子弟徹饌。主人闔室皆退。

右時節薦新

月朔望日主人豫備茶食之屬每案二器主人夙興
 盥洗盛服率族姓子弟入廟灑掃潔神案啟室序位
 於香案前主人跪焚香_盞子弟奉食及茶從主
 人詣各神案前以次供食供茶畢退復位率族姓子
 弟行禮如時薦之儀徹主人闔室皆退

前右朔望獻茶

庶士_{貢監生員}家祭之禮於寢堂之北為龕以版別
 為四室奉高曾祖祧皆以妣配位如前儀南向前設

香案總一服親男女成人無後者按輩行書紙位附

食男東女西相向事至則陳已事焚之不立版歲以

春夏秋冬節日出主而薦菜盛二槃肉食果蔬之屬

四器羹二飯二前期主人及與祭者咸致齋薦之前

夕主婦盛服治饌於房中厥明風興主人吉服率子

弟設香案於南燃燭置祭文堂北設供案二昭東穆

西均以妣配位均南向設神案於兩序下各一男東

女西東西向主人以下盥奉木主設於案設神位於

兩序案訖主人東階下立衆各依行輩東西序立主

人詣香案前上香畢。率在位者一跪三叩。興主婦率諸婦出房中薦七箸醯醬。跪叩如儀。退子弟奉壺。主人詣神案。以次斟酒薦熟。訖皆就案南跪叩。興子弟薦耐位畢。主人跪。在位者皆跪。祝進至香案之右。讀

祭文。

餅見品官祭禮。減潔牲二字。餘同。

訖興退。主人以下叩興。再獻。

主婦薦飯羹。三獻。主婦薦餠餅時蔬。主人斟酒跪叩。均如初儀。畢。主人率族姓一跪三叩。興祝取祭文及耐食紙位。焚於庭。衆出。主人納木主徹。退日中而餽。春一舉。布席於堂東西北上。陳倚。棗匙箸。如其人歎。

傳祭食於燕器。熱酒饌。族姓至。主人肅入序位。以行。輩年齒為等。旅揖。卽席進酒饌。酬酢如禮。湯飯畢。長者離席告退。主人送於門外。諸子弟皆隨以出。徹僕人餽餘食皆盡。月朔望日。主人及家衆夙興。盥洗。啟寢室。然燭。詣香案前。依行輩序立。主人上香。訖子弟奉茶。主人獻茶。復位。率衆一跪三叩。興徹茶。闔室。衆退。若家有吉事。主人盥洗。啟室。然燭。焚香。以其事告行禮。如朔望儀。

右庶士寢薦

庶人家祭之禮於正寢之北爲龕奉高曾祖禰神位。歲逢節序薦果蔬新物每案不過四器羹飯具其日夙興主婦治饌主人率子弟設案然鐙啟室奉神主於案上以昭穆序主人立於香案前家衆序立於主人下以行輩爲先後主人上香一跪三叩興主婦陳七箸醯醬薦羹飯果羞跪叩如儀主人酌酒進於各位前凡三次皆跪一叩興畢主人率衆一跪三叩興納主於室徹退日中衆餽神食歲一舉論行輩先後同行序齒列坐酒行飯已肅揖以退月朔望日供茶

然香鐙行禮告事亦如之均與庶士儀同。

右庶人寢薦

亦無人寐

然香溢行。斷奇事亦收之。世與無士。謝同。

